

ամենախիստ խօսքերով դատապարտում է ծխողներին եւ նրանց անմարդկային սովորութիւնը: Աւելին նա որոշում է ցոյց տալ թութունի ծագման արմատները՝ անդրադառնալով Ադամի եւ Եւայի դրախտից արտաքսուելու պատմութեանը: Նա համոզուած է, որ նրանց խաբող օձը թեւաւոր է եղել, եւ Արարչի անեծքից յետոյ, երբ նրա թեւերը թափուել են, դեւերը դրաք հաւաքել եւ հողի մէջ տնկելով՝ բազմացրել են.

*Ասեն՝ Գտաք դեղ կորստեան
Ապականիչ մարդկան հոգւոյն,
Յանես Յամրես դրախտ կասեն,
Անդ տնկեցին, եղել թութուն...
Սերմանեցին զչար սերմն աշխարհիս,
Ակնատ է ցեց մարդկան հոգւոյն:*

Չեղինակը իր պարսաւանքի խօսքերում անմասն չի թողնում նաեւ ծխող հոգեւորականներին, ամօթանք տալով նրանց, որ չար օրինակ են ծառայում հաւատացեալներին՝ իրենց այդ բիրտ սովորութեամբ:

*Աշխարհականքն զայն տեսանեն,
Համարձակեալ յարին ի նոյն,
Ասեն՝ Երեցն կարդացող,
Մեք եմք անգետ, նա է գիտուն:
Նա է հովիւ, մեք եմք ոչխար...
Նա որ չասէ, թէ մեղք է սա,
Մեզ ինչ փոյթ է այդ բաներուն:*